

اجتهاد

Adresse:

Idjtihad Constantinople

Téléph: St. 865

XVIII^{me} ANNÉE

1 Mai: 1923 — No. 153

اداره خانہ سی

جفال اوغلانده « اجتهاد نھوی »

تلفون: استانبول ۸۶۵

« اون سکزنجی سنه تأسیسیه »

حیاتی ، فلسفی ، اجتماعی فکر غزته سی

نومرو ۱۵۳ — ۱ مایس ۱۹۲۳

۷ - نیکل :

(باله) معدننده قورشونله برابر موجود بولمقده در .
سلفکک شمال شرقیسنده کی (بوغان دره) آرسنیک معدنی
اولدقچه مهمدر . (مابعدی کله جک نسخته ده)

نیکل شمعی قدر آناطولیده یک جزئی اولارق
بولمشدر .

۸ - آرسنیک :

صاری زرنیق آناطولونک بر قاچ یرنده بالخاصه

معدن مهندسی

فهری صالح

کیمیک و علمت

(سلاح و جسامت) مقاله سی محمدری ف. ر. بک

«افندم

«کونک فخره سی» سئونده دون یازدیکنز سلاح وجسامت
فخره سنی شایان دقت بولدم . اسلامک الکه مهلاک یاره سنک
اوزرینه شهادت پارماغیزی باصدیقنزه امین و بونکله مفتخر
اولک . خدمتکنز عندالله و عندالعبادالله مشکور و اشالی موفور
اولسون . سیوف بقیه سی و سیوفدن داها مهلاک اولان شیمه
هجرت بقیه سی اولاراق اورویای شرقیده ، بالقانزده قالان
تورکک و مسلمانلرک پیشواسز قالمقن داها بویوک برفلاکتله
فلاکتزده اولدقنری ، یعنی باشلرنده باش بلاسی اوله رق یوم
وغراب قبیله دن :

شیخ علی کرسیه معما

یحسبه الجاهل مالم یعلما [*]

بیتمه ماصدق و قفالرینک طیشی بیاض ، ایچی قاپ قاره بر
طاقنا کسانک بولوغریخی بلرغ بر لسانله تصویر ایدیور سکز
واوراده کی کنجکک بر رشیدیہ تحصیلی کورور کوررض بورابه ،
استانبوله کله لری موآخذ ایدیور سکز . موآخذ حقدور . فقط
اصلک حق واک آجی موآخذیه لایق اولانلر اونوتولمشدر . اوده
تورک آناشهرینک ، تورک یانختی کنج و منورلرینک بولمنداشرله ،
بودینداشرله دوغرو بر انجذاب طویماه لریدر . بزم ملتپورور .
لکمزده ، اعتراف ایتدی بزم ، هر فضیلتیز کی سطحی و ناواندر .
یوکسک مکتبلر مژدن مأذن تورک کنجکلرین برینک چاقوبده
مأموریت پیشنده قوشادینی و بونک ایچونا کیلوب بویکله دیکنی ، مثلاً
بلغارستانده کوچوک بر مسلمان کوبنده ابتدائی مکتبی خواجه لانی
یاقنده و کوی اهل اسلامیتی مدنیت ، ترقی ، عرفان ، فضیلت ،
غیرت ، همت یولارینه سوق و ارشاد ایتکده کی ذوق و سمدانی
حظی هر حظ و اقباله مرجع طوتدینی کورمه لی بزم . دردمن
دریندر . درینکی باش دوندوره جک قدر دریندر . سزک کی
کنجکک ، اک معتنا وظیفه کز نروده داها جوق ظلمت وارسه ،
نروده داها جوق اغلیان وارسه ، نروده داها جوق ظلم
کورن وارسه اورابه قوشماقدور . بر ماوقع ذکر ایدیم .
ما کدونیا بزده ایکن تعقیب اشقیایه مأمور بولومش اولان
والیوم ارکان حربیه قریقلر مژدن بولنان بر ذالک مشاهده سنی نقل
ایدیم . مشار الیه بکا عیناً سویله حکایت ایتشدی :

[*] مالی جاهل آدم ظن ایدرکه : کرسی اوزونده قوجه مان

صاریقی شیخک بیلمه دیک هیج بر شی یوقدر .

«بلغاراشقیایسی ، یعنی بلغار ملتپورولرینک مسلح فداکاری
تعقیب و تنکیانه مأمور ایدم . چته نک بر بلغار کوبنده تحصن
ایتدیکنی و اورانک ابتدائی مکتبی خواجه سنک خانه سنده کیزلنک لری
خبر و یردیلر . یاعنده کی قوتلرله کوی خواجه سنک خانه سنی
محاصره ایتدک . کوی خواجه سی ، «داسقالوس» ک خانه سی
منتظم و غایت لطیف ، هوادار و شمس آباد ایدی . بر
صر دیوندن یوقاری چیقدق . منتظم و عالم بر اوروپالی نک
دارالمساعیسنده بولندیغی کوردم ، «داسقالوس نروده» ؟ دیدم .
«شیمدی کله جک !» دیدیلر . اوپله کتبخانه لرله محاطدی .
غایت زنکین مجله ولا اقل بیک بویوک کتب واردی و بونلرک
هان جمله سی آلمانجه ، حقوقه ، تربیه اطفال علمنه ، اجتماعیه ،
اقتصادیانه ، تاریخه ، فلسفه ادبیانه دأثر ایدی . بن بوکتابلری
و کتبخانه لری حیرت و حیرایت ایله کوزدن کچیرمکده ایکن
داسقالوسک کلدیکنی سویلدیلر . بکله دیکم بر کوی مکتبی
خواجه سی ، بر کوی امامی ایدی . قارشیمه یکرمی سکز نهایت
اونوز باشلرنده سیاه صقالی ، بیاض قولانی کوملک کینیش ،
اوستی باشی تمیز ، صاچی آلاماریقن ایکی طرفه طارانش ،
طیرنافلری هیچ «مأتمزده» دکل ، کال اعتنا ایله تمیزلنش ،
توالت ایدیش تام بر «موسیو» چیقدی . فصیح بر تورکجه
ایله بنی سلاملادی . سبب زیارتزده دأثر سرایت ایضاحات
وبردی . کتابلرک کیمه عائد اولدیغی صوردم . کندیسنک
اولدیغی و بر بقی سنه اول (هایدلبرغ) دارالفنوننده اکمال
تحصیل ایتمش اولدیغی سویله دی . بالالزام آلمانجه کوروشمک
ایسته دم . بر آلمان کی فصیح بر آلمانجه تکلم ایتدیکنی کوردم .
فلسفه ده دوقتور اولدیغی سویله دی ، فطوغرافی حای اولان
دیپلوماسنی کوستردی . بن مستغرق تفکرات و برآزده محبوب
اولدیغ حالده بولند مکتب معلمک الی صیقدم ، چیقدم .

بر قاچ کون اول دردست ایدیلوب قورشونه دیزدیکمز
بلغار قومیتیه جیلری [یعنی قوای ملیه جیلری] آرده سنده ده بویله
یوکسک تحصیل کورمش ملتپورولرک بولندیغی اوکرندم . «
پاشانک سویله دیک هان هان حرفی حرفنه بوایدی .
مهرز ف. ر. بک ! بومقیه نفسیردن ، ایضاحدن مسخندیر .
بونک ملاحظه سنی سزه براقیورم . بوآجی علاجی کنجکلرک
بارداقزیه قویدم . فنای ایتدم ؟ بنی سز سویلتدیکز : آجیدر ،
فقط علاجدر .